

ORDENANZA FISCAL NUMERO T21

Taxa por ensinanzas especiais en establecementos docentes e públicos. Escola de Música e Danza. Escolas Deportivas Municipais. Actividades deportivas no rural.

Artigo 1º. Concepto e fundamento legal.

De conformidade co previsto no artigo 57, en relación co artigo 20.1. B) e 20.4.v) do Real Decreto Legislativo 2/2004, de 5 de marzo, que refunde o texto da Lei reguladora das Facendas Locais, este Concello establece a taxa por prestación de servizos de ensinanzas especiais en establecementos docentes deste Concello, que se rexirá pola presente Ordenanza

Artigo 2º. Feito imponible.

O feito imponible da taxa está constituído pola prestación dos servizos de ensinanza de solfexo-lingüaxe musical, instrumento, harmonía, coro e iniciación á música da Escola Municipal de Música e de alquera das impartidas polas Escolas Deportivas Municipais, así como outros análogos que nestas escolas se impartan.

Artigo 3º. Suxeitos pasivos e responsables da taxa.

1. Son suxeitos pasivos, en concepto de contribuíntes, as persoas físicas que se matriculen en cada unha das ensinanzas a que se refire o artigo 2º desta Ordenanza.
2. Responsabilizaranse da debida tributaria xunto os suxeitos pasivos ou debedores principais os substitutos, responsables solidarios ou subsidiarios sinalados nos artigos 35 e seguintes da Lei Xeral Tributaria.

Artigo 4º. Exencións, bonificacións e beneficios tributarios.

1. De conformidade co disposto no artigo 9 do Real Decreto Legislativo 2/2004, de 5 de marzo, non se recoñece exención, bonificación nin beneficio tributario algún, agás os que sexan consecuencia do establecido nos Tratados ou Acordos internacionais ou veñan previstos en normas con rango de Lei.
2. Decláranse as seguintes bonificacións na taxa ós membros da Banda Municipal de Música de Ribadeo con respecto ás asignaturas directamente relacionadas coa súa participación como membros da Banda:
 - no primeiro ano: 50% de desconto

- no segundo ano: 60% de desconto
 - no terceiro ano: 70% de desconto
 - no cuarto ano: 80% de desconto
 - no quinto ano e sucesivos: 100% de desconto
3. Por criterios xenéricos de capacidade económica das unidades familiares dos suxeitos pasivos con obriga de satisfacer a taxa por ensinanzas nas Escolas Deportivas Municipais e por ensinanzas na Escola de Música e Danza establece as seguintes bonificacións que afectarán a un máximo de tres asignaturas por alumno, sendo así que as asignaturas cuarta e seguintes aboarán a totalidade da taxa:
- a) Para suxeitos pasivos integrados en unidades familiares con ingresos que non superen o salario mínimo interprofesional vixente en cada momento recoñese unha bonificación do cento por cento da taxa.
 - b) Para suxeitos pasivos integrados en unidades familiares con ingresos superiores ó salario mínimo interprofesional pero inferiores ó 150 por 100 do mesmo, sempre que na unidade familiar estean integrados dou ou máis fillos, recoñese unha bonificación do 50% da taxa.
4. Declárase a bonificación no 50% da cota tributaria aos membros da Coral Polifónica de Ribadeo na matrícula da asignatura de Canto.

Artigo 5º. Cota Tributaria.

A cota tributaria estará constituída polas cantidades fixas e tarifas seguintes:

1) Escola de Música. Por ensinanzas impartidas na Escola Municipal de Música o importe da matrícula por curso académico será o seguinte:

1. Solfexo-lingüaxe musical: 190,00 euros.
2. Instrumento ou Canto: 190,00 euros.
3. Música e movemento: 150,00 euros.
4. Danza: corenta e cinco minutos á semana é 110,00 € ; hora e media á semana son 160,00 euros.

Establécese unha matrícula de 50,00€ por alumno.

Para aqueles alumnos que se matriculen en tres ou máis asignaturas establece o desconto sobre o custo total das matrículas que formalicen, sempre que sexan de pago, do dez por cento.

2) Escolas Deportivas. Por ensinanzas impartidas en calquera das Escolas Deportivas Municipais a cota tributaria virá determinada pola seguinte tarifa:

De Xaneiro a Xuño : 60,00 Euros.

De Setembro a Decembro : 40,00 Euros.

3) Actividades deportivas no rural : 15,00 € mensuais.

Artigo 6º. Dereito á percepción.

1. O dereito á percepción da taxa producirase, nado a obriga de contribuir, no momento en que se presente a solicitude de matrícula en calquera das ensinanzas impartidas polas escolas municipais de música ou deportes, polo que a falta de asistencia, agás por causa médica suficientemente documentada que imposibilite totalmente a asistencia continuada ata fin de curso, dos alumnos ás clases non dá dereito á restitución da tarifa que ven establecida polo feito de matricularse.
2. O período impositivo coincidirá co curso académico establecido para cada unha das ensinanzas. Non obstante, nos supostos de altas como consecuencia de baixas voluntarias ou de oficio, o período impositivo e o dereito á percepción nacerán no momento de formalización da alta correspondente e polos períodos restantes ata a finalización do curso máis o importe da matrícula, se existira. Correlativamente, no suposto da Escola de Música, a baixa voluntaria ou de oficio implicará a extinción do dereito á percepción das mensualidades completas restantes ata o remate do curso lectivo.

Artigo 7º. Normas de xestión.

1. As taxas reguladas na presente Ordenanza xestionaranse en réxime de autoliquidación, que será aboada directamente na Tesouraría Municipal ou nas entidades bancarias colaboradoras, no caso da matrícula da Escola de Música e as Escolas deportivas. Nos pagos mensuais das actividades deportivas no rural e na Escola de Música procederase, preferentemente, ao cargo en conta mediante domiciliación bancaria por períodos mensuais iguais a unha novena parte do importe das asignaturas, dentro dos dez días primeiros de cada mes natural, ou polo importe da taxa mensual segundo o caso.
2. Estarán a disposición de tódolos alumnos no Concello e dependencias públicas os modelos de autoliquidación para faceren efectivo os pagamentos correspondentes. O impago dentro do prazo sinalado no apartado anterior conlevará o apercibimento de perda da praza, puidendo realizarse o pagamento na Tesouraría Municipal polo resto do mes natural co recargo executivo procedente e os custos de cobramento, no seu caso, sen perda da mesma. De non procederse a dito pagamento, o primeiro día do mes seguinte tramitarase a baixa de oficio dos impagados sen perxuízo do seguemento da vía de constrinximento para a recadación das cotas impagadas e procederase, previo informe do servizo correspondente e sempre que ditas baixas tiveran lugar nun prazo razoable dende o principio de curso, a comunicar as prazas

existentes aos solicitantes en reserva por estricto orde da mesma. Do mesmo xeito, procederase a declarar a baixa de oficio por inasistencia continuada e inustificada ás clases correspondentes, aínda que se tivera aboada a taxa respectiva, para permitir o ingreso de alumnos en lista de reserva de praza.

3. Constitúese como obriga tributaria formal para as entidades que presten, mediante convenio, as ensinanzas en Escolas deportivas municipais a colaboración para o cumprimento das obrigas formais e materiais establecidas para o suxeito pasivo nesta Ordenanza, polo que o seu incumprimento poderá constituilo nas responsabilidades reguladas no artigo 3º.2 desta Ordenanza.

Artigo 8º. Infraccións e defraudacións.

En todo o relativo á cualificación de infraccións tributarias, así como das sancións que ás mesmas correspondan en cada caso, estarase ó disposto no Capítulo IV da Lei Xeral Tributaria, e elo sen prexuízo das que conforme ó Regulamento do Servicio se poidan impoñer en orde distinta á tributaria.

Artigo 9º. Delegación para a fixación de prezos públicos en materia cultural e deportiva.

Delégase na Xunta de Goberno Local a fixación de prezos públicos como cota de taquilla por espectáculos, actividades ou análogos en materia cultural e deportiva que revistan carácter puntual.

Disposición Transitoria Única.

A entrada en vigor desta Ordenanza non implicará o reaxuste de actuacións efectuadas para os cursos académicos iniciados estando vixente a anterior Ordenanza reguladora dos prezos públicos.

Disposición derradeira. Entrada en vigor e comezo de aplicación da Ordenanza.

A presente Ordenanza entrará en vigor ó día seguinte ó da súa publicación no “Boletín Oficial da Provincia de Lugo” e comezará a súa aplicación na mesma data.

DILIXENCIA: a presente Ordenanza foi modificada nos seus artigos 4, 5 e 7 por acordo plenario de 26 de xullo de 2008 e publicada no BOP 208 de 9 de setembro de 2008

DILIXENCIA: a presente Ordenanza foi modificada nos seus artigos 5 e 7 por acordo plenario de data 19 de xaneiro de 2009 e publicada no BOP número 29 de 5 de febreiro de 2009

DILIXENCIA: a presente Ordenanza foi modificada nos seus artigos 4, 5, 6 e 7 por acordo plenario de data 9 de novembro de 2011 e publicado no BOP número 299 de 31 de decembro de 2011